

UGOVOR

o obavljanju poštanskih usluga

Ugovorne strane:

1. **Općinski sud u Visokom**, ulica Alije Izetbegovića broj 1, Visoko koga zastupa predsjednik suda Avdija Avdić (u daljem tekstu: **Naručilac usluga**),

i
2. **„JP BH POŠTA“ d.o.o SARAJEVO**, Obala Kulina bana 8, Sarajevo, koga zastupa generalni direktor **Adis Šehić, dipl ing.saob** i izvršni direktor Sektora za poštanski promet **Safet Trakić dipl.pravnik** (u daljem tekstu: **Pružalac usluga**)

Član 1. (Predmet Ugovora)

Predmet ovog ugovora je kontinuirana i sukcesivna nabavka univerzalnih i rezervisanih poštanskih usluga u unutrašnjem i međunarodnom saobraćaju, po provedenom postupku nabavke usluga iz Aneksa II Zakona o javnim nabavkama broj obavještenja 4256-9-2-1-22-4/26 na Portalu JN, donesenoj Odluci Naručioca usluga o prihvatanju ponude i dodjele ugovora Pružaocu usluga „JP BH POŠTA“ d.o.o. Sarajevo, ponuda broj: 01-11-9-9809-3/26 od 9.2.2026. godine, koja je sastavni dio ovog ugovora.

Usluge iz stava 1. ovog člana obuhvataju prijem, prijenos i uručenje poštanskih pošiljki.

Član 2. (Vrijednost Ugovora)

Ukupna vrijednost ovog ugovora iznosi do 260.000,00 KM bez uračunatog PDV-a.

Pojedinačne cijene koje su dostavljene u ponudi iz člana 1. ovog ugovora ne mogu se mijenjati u toku trajanja ovog ugovora.

Ugovorni organ zadržava pravo potpune ili djelimične realizacije nabavke usluga do ukupne planirane vrijednosti, a prema potrebama za predmetnu nabavku.

Ukupna plaćanja bez uračunatog PDV-a, na osnovu izvršenih svih pojedinačnih usluga po zahtjevima Naručioca usluga na osnovu ovog ugovora, ne smiju prelaziti procijenjenu vrijednost nabavke iz stava (1) ovog člana.

Član 3. (Obaveze pružaoca usluga)

Pružalac usluga obavezuje se:

- (1) da će sve poštanske i paketske pošiljke koje predaje Naručilac usluga primiti u pošti u Visokom i Olovu.
- (2) da će Naručioca usluga redovno snabđivati sa preporučenim naljepnicama;
- (3) da će poštanske pošiljke primiti po prijemnoj knjizi koja se popunjava prema štampanom obrascu u dva primjerka;
- (4) da će poštanske pošiljke po osnovu ovog ugovora primiti i uručiti primaocima na način i u rokovima kako je to određeno propisima o vršenju usluga u poštanskom prometu;

- (5) da će sve poštanske pošiljke koje nije bilo moguće uručiti primaocima vratiti Naručiocu usluga sa označenim razlogom vraćanja za svaku pošiljku pojedinačno;
- (6) da će za primljene poštanske pošiljke izvršiti obračun po cjenovniku poštanskih usluga dostavljenom u ponudi broj: 01-11-9-9809-3/26 od 9.2.2026. godine i dostaviti fakturu u zakonskom roku;

Član 4. **(Obaveze naručioca usluga)**

Naručilac usluga obavezuje se:

- (1) da će sve poštanske pošiljke po osnovi ovog ugovora predavati u pošti Visoko i Olovo, u propisanom radnom vremenu Pružaocu usluge, po prijemnoj knjizi koju će popunjavati prema štampanom tekstu obrasca u dva primjerka;
- (2) da će sve poštanske pošiljke koje predaje po osnovu ovog ugovora otpremiti u skladu sa odredbama Zakona o poštama („Službeni glasnik Bosne i Hercegovine“ broj 33/05) i Zakona o poštanskom prometu u Federaciji Bosne i Hercegovine („Službene novine Federacije Bosne i Hercegovine“ broj: 76/04);
- (3) da će za sve poštanske pošiljke predane po osnovu ugovora platiti poštarinu propisanu Cjenovnikom usluga dostavljenim u ponudi iz člana 1. ovog ugovora, ovisno o masi/težini poštanske pošiljke, vrijednosti poštanske pošiljke i korištenju posebnih poštanskih usluga;
- (4) da će nalog za plaćanje usluga za predane poštanske pošiljke po osnovu ovog ugovora izvršiti u roku od 30 (trideset) dana od dana ispostave fakture.

Član 5. **(Obračun i plaćanje usluga)**

Ugovorne strane su saglasne da posljednji dan u mjesecu bude dan za obračun usluga za tekući mjesec.

Član 6. **(Primjena Zakona o obligacionim odnosima u Bosni i Hercegovini)**

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u Bosni i Hercegovini.

Član 7. **(Nadležnost za rješavanje sporova)**

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Općinski sud u Zenici.

Član 8. **(Stupanje na snagu i period važenja)**

Ovaj ugovor stupa na snagu danom obostranog potpisivanja i zaključuje se na period do jedne godine.